

**Մաքսերի և առևտություն 1994թ. գլխավոր համաձայնագրի պարտավորություններից
ազատման մասին փոխհամաձայնություն**

Սույնով Անդամները համաձայնում են հետևյալի մասին.

1. Ազատման կամ գոյություն ունեցող ազատումը երկարաձգելու պահանջի մեջ նկարագրվում են այն միջոցները, որոնք Անդամն առաջարկում է ձեռնարկել, քաղաքականության առանձին նպատակները, որոնց Անդամը ձգտում է հասնել, և այն պատճառները, որոնք Անդամին խանգարում են իր քաղաքականության նպատակներին հասնելու ՍԱԳՅ-1994-ով սահմանված իր պարտավորություններին համապատասխանող միջոցներով:

2. ԱՅԿ համաձայնագիրն ուժի մեջ մտնելու օրը գործող ցանկացած ազատում դադրեցվում է, եթե իր սպառման օրը կամ ԱՅԿ համաձայնագիրն ուժի մեջ մտնելու օրվանից երկու տարի հետո, որը որ ավելի շուտ կլինի, այն չի երկարաձգվել համաձայն վերոհիշյալ և ԱՅԿ համաձայնագրի IX Հոդվածի ընթացակարգերի:

3. Վեճերի կարգավորման փոխհամաձայնությամբ մշակված և ըստ դրա կիրառվող ՍԱԳՅ-1994-ի XXIII Հոդվածի դրույթները կարող են վկայակոչել յուրաքանչյուր Անդամ կողմից, որը համարում է, որ ՍԱԳՅ-1994-ով իրեն հասնող օգուտը վերացել կամ նվազել է:

ա) այն Անդամի կողմից ազատման պայմանները չկատարելու հետևանքով, որին շնորհվել է ազատումը,
կամ՝

բ) ազատման պայմաններին համապատասխանող միջոցի կիրառման հետևանքով: